

# Black Death 3

Ahmed Abdel Hamid



## الموت الأسود 3

أحمد عبد الحميد

# **الموت الأسود 3**

**أحمد عبد الحميد**

**تنويه**

هذه النسخة التي بين ايديكم هي نسخة الكترونية مجانية ولا يجوز قص أو تعديل أو تغيير أو إعادة نشرها أو الترخيص منها دون إذن كتابي مسبق من الكاتب

© جميع الحقوق محفوظة للكاتب

هناك .. على جزيرة صغيرة حين تستيقظ  
مخاوفك وتسمع صوت أنفاسك المتقطعة  
كطبول الموت في منتصف الليل وكل نفس  
يلتف حولك كسلسلة تحكم قبضتها على  
قلبك وفي هذا الظلام الخانق يتوجب عليك  
مواجهة شيطانك بجرأة لانك ستجد نفسك  
محاصراً بين الواقع والكابوس .. بين الحقيقة  
والهلوسة .. بين الأسطورة والواقع .. بين  
الحياة والموت .. ويتبقى السؤال الأخير هل  
ستواجه هذا المخلوق ؟ أم ستغرق في بحر من  
الظلام الأبدى؟

والآن عزيزي القارئ .. هل أنت مستعد  
لرحلة جديدة لمواجهة الأجزاء الأكثر غموضاً ؟  
هل أنت مستعد لمواجهة كل هذا ؟ ام سوف  
تستسلم إلى الموت .. الموت الأسود ؟

أحمد عبد الحميد

(1)

## مستشفى الأمراض العقلية

" ايه هي أكبر مخاوفك ؟ "

بهذه الكلمات بدأت ( فريدة ) حديثها مع ( حسام ) الذي كان جالسا أمامها في عنبر الزيارة الخاص في مستشفى الأمراض العقلية والعصبية ويفصل بينهما حاجز زجاجي قوي متين فاستغرب ( حسام ) هذا السؤال ثم قال :

- خرينا نقول إن السؤال ده له أجابات كثيرة ومختلفة

قالت فريدة بتساؤل :

- أزاي ؟

قال حسام :

- لو كنتى سالتينى السؤال ده وأنا عندي أربع أو خمس سنين كنت قولتلك أن الغولة والشمامة وام رجل مسلوخة هم أكبر مخاوفي .. اما لو كان سؤالك ده وأنا عندي 14 أو 13 سنة كنت هقولك أنه يكفي أني اتفرج على فيلم رعب وبعدها ووقت النوم هتلاقي كل أحداث الفيلم بتطاربني قبل ما انام بس دلوقتي وفي سني ده اقدر احكم أني مش هخاف من



الحاجات دي لأن أنا وانتى عارفين أن مفيش حاجة اسمها الغولة أو أم رجل مسلوخة وحتى الافلام كلها عبارة عن تصوير احترافي ومفيش حاجة منها حقيقية .

ابتسمت (فريدة) وقالت :

- برضه مجاوبتش على سؤالى يا امتاذ حسام

ابتسم حسام وقال :

- بالعكس أنا جاوبتك بس انتى مصبرتيش عليا .. وعلشان اختصر الوقت المسموح بالزيارة وميضعش على الفاضي هقولك ايه هي اكبر مخاوفي .. تقدرى تقولى أن الفقر والمرض هم أكبر مخاوفي

ضحكت فريدة بصوت عالي وقالت :

- كاتب رعب واكبر مخاوفك هي الفقر والمرض ؟ مش غريبة شوية ؟

- بالعكس دي المفروض المخاوف الاكتر منطقيه .. اصل مينفعش اقولك أن مثلا الأسد هو أكبر مخاوفي لانى استحالة أنا والاسد نتقابل وهن لو هن وعلى أرض الواقع الا في حالتين يا اما في الغابة ودي بيئة استحالة يعيش فيها

بشر الا لو كانوا من نوع المغامرين أو الصيادين أو القبائل  
الأفريقية والأسىوية الى اتعودت على وجود الحيوانات  
المفترسة

- طيب والحالة الثانية ؟

- أن احنا نتقابل في حديقة الحيوان .. ودي الأكثر أمان وهنا  
ايه هو السبب اللي يخليني اقولك انى بخاف من الاسد وانا  
عارف ومتأكد انى مش هتقابل انا وهو وش لو ش ؟

قالت فريدة بتساؤل :

- انت عارف انت هنا ليه ؟

قال حسام :

- للأسف لا .. كل اللي اعرفه انى لاقيت حد بيكلمنى وبيقولى  
أنه دكتور من مستشفى الامراض العقلية وان في حالة مصره  
تتكلم معايا

قالت فريدة بود :

- انا بتابع كتاباتك وأعمالك .. انا عارفة انك كاتب موهوب  
بس مش محترف .. وبتكتب في مجال الرعب .. قريرتك كام  
رواية نشرتهم وعجبني أسلوبك

ابتسم حسام وقال :

- شكرا يا استاذة فريدة بس برضه ايه السبب اللى خلاكي  
تطلبى مقابلتى انا مخصوص.

قالت فريدة :

- انا رفضت اتكلم واحكى اى حاجة مع الدكتور هنا لم فقت  
من غيوبتي وكنت في صدمة عصبية شديدة وكنت بصرخ  
وبزعق وكنت بشوفهم في عيني عفاريت ووحوش لكن  
دلوقتي انا عارفة أن حالتي اتحسنت

قال حسام :

- طيب وليه رفضتى تحكي اللى حصل معاكي .. ده اكيد كان  
هيثبت أنك بقيتي احسن

- لانى لو حكيت اللى حصل ولو الف مرة فبرضه هيقولوا اني  
لسا مفقوتش من الصدمة أو أن عقلي اتجنن

قال حسام :

- ليه .. هو انتى هتحكي حاجة محصلتش ؟

قالت فريدة وهي تنظر في عيون حسام :

- لا حصلت .. بس حاجة متصدقش

قال حسام :

- بس أنا مش دكتور علشان أعرف أساعدك

قالت فريدة :

- بس على الأقل هتنشر قصة مرعبة بجد

قال حسام :

- قصدك ...

فقاطعته فريدة قائلة :

- قصدي انى عايزاك تنشر قصتي في رواية من روايتك  
ومش مطلوب منك انك تصدقها أو متصدقهاش

نظر حسام إليها وهو يفكر لبضع دقائق ، فقالت فريدة :

- بتدخن ؟

فhez حسام رأسه دلالة على (نعم) فطلبت منه سيجارة فمر لها  
واحدة من خلال فتحة ضيقة صغيرة موجودة في الحاجز  
الزجاجي بعد أن أشعلها لها فأخذتها فريدة ومسحت نفسها منها  
ثم سعلت قليلا ثم قالت :

- قولت ايه ؟



اشعل حسام سيجارته ثم قال :

- موافق

أخرج هاتفه المحمول ثم قام بتشغيل برنامج التسجيل ثم قال :

- اتفضلي يا استاذة فريدة

سحبت فريدة نفسا اخر من سيجارتها ثم جلست على كرسيها بأريحية أكثر ثم قالت :

- انا أسمى فريدة الشرقاوي عندي أربعين سنة مطلقة ومعهديش اطفال وطلايقي عايش بره البلد .. أطلقنا من فترة هناك ورجعت انا واشتغلت في الجامعة  
قال حسام :

- انتى تخصصك ايه يا استاذة فريدة ؟

قالت فريدة :

- جيولوجيا .. تعرف الجيولوجيا ؟

هز خالد رأسه دلاله على نعم وهو ياخذ نفسا من سيجارته وقال :

- أيوة عارف علم الجيولوجيا .. الجيولوجيا هي دراسة

الأرض زي أصلها وتكوينها وتاريخها وتعتبر علم شامل  
لدراسة الصخور والمعادن والتضاريس والصفائح التكتونية  
والأنشطة البركانية والزلازل والعمليات اللي بتشكل سطح  
الأرض .. وكمان بتشمل التطورات التاريخية للأرض زي  
دراسة تطور الحياة، والمناخات والأنظمة البيئية القديمة.  
رفعت فريدة حاجبها في اندهاش وعلى شفيتها ابتسامة  
لطيفة ثم قالت :

- جميل أن يكون عندك معلومات عامة في كل شئ

قال حسام :

- شكرا .. انا مستعد اسمع قصتك

قالت فريدة :

- من شهرين جاتلي رسالة على الايميل بتاعي من شخص  
معرفوش لكن بيقول أنه صياد .. الرسالة كانت بتقول أن في  
جزيرة في البحر الاحمر بتظهر مرة واحدة في السنة لمدة  
خمسة وخمسين يوم بس وبعد كده بتفضل تحت البحر باقي  
السنة وأن الصيادين مبيقربوش من الجزيرة دي ولا حتى  
بيصطادوا من أماكن قريبة منها وبيقولوا أن المنطقة اللي  
فيها الجزيرة دي ملعونة ..

قال حسام :

- عادي انا مش شايف حاجة غريبة أن تظهر جزيرة فجأة دي من الظواهر اللى بتحصل احيانا .. كنت قرئت ان في جزيرة اسمها "ميرتسي" ظهرت فجأة قريب من سواحل آيسلندا عام 1963 بسبب ثوران بركاني حصل تحت المياه.

- يا استاذ حسام جزيرة "ميرتسي" ظهرت فجأة ولسا موجودة لحد دلوقتي .. لكن انا هنا بكلمك عن جزيرة بتظهر وبتختفي بمواعيد محددة .

بدأ حسام يركز أكثر في التفاصيل ثم قال :

- كملي يا استاذة فريدة كلامك

قالت :

- في الوقت ده كنت مشغولة جدا وكان عندي حاجات كتير لازم اخلصها ومفيش داعي لذكرها في قصتنا علشان مش هتفيد في حاجة .. ومن عشرة أيام سمعت خبر ضايقني جدا وهو خبر انتحار يوسف زياد .. كان صديق ليا أو بمعنى أدق كانت بتربطنا علاقة حب ايام الجامعة وكان واحد من شلتنا طبعا الموضوع ضايقني وبكيت كتير وبعدها بيومين سمعت خبر موت خالد منصور بسبب حريق حصل في فيلته الفخمة

الظواهر الخارقة .. الظواهر الغريبة اللى تخليك عاوز تفهم  
وتعرف ايه الأسباب وخصوصا لو كنت من المهتمين بعلوم  
الجيولوجيا ..

قال حسام :

- وروحتي ؟

سحبت فريدة النفس الاخير من السجارة ثم ألقى بها في  
محاة السجائر وقالت :

- عرفت فين مكان الصيد والمدينة اللى عايش فيها  
وبالصدفة أن انا بملك يخت مركون على رصيف موجود في  
قرية سياحية موجودة في المدينة دي .. وتلنى يوم وصلت  
وكنت على اليخت بتاعي بعد ما جهزت كل حاجة زي الاكل  
والشرب وطبعا منستش ادواتى وحاجتى اللى هتساعدني  
في دراسة الجزيرة وكان فاضلي حاجة واحدة بس .  
نظر لها حسام في تساؤل فقالت فريدة :

- انى اعرف فين مكان الجزيرة .. اتصلت بالصيد وعرفته  
فين مكاني وبعد نص ساعة لقيته جاي كان راجل عجوز في  
الستين من عمره تقريبا ويمكن داخل على السبعين بس لسا  
بصحته ومعاها لانش صغير وطلبت منه أنه يطلع على اليخت

وبيقولوا ماس كهربائى حصل فجأة في مختبره وملحقش  
المسكين يهرب قبل الانفجارات والحرايق اللى حصلت في  
فيلته وكان خالد صديق ليوسف وبرضه كان واحد من شلتنا  
وطبعا الخبرين وفي اسبوع واحد دخلوني في حالة كآبة  
وحزن كبير وهنا افكرت قصة الجزيرة وقررت انى اروح  
ادرسها واغير كمان جو وتكون رحلة جديدة .

قال حسام :

- كنت قرئت عن انتحار الدكتور والحريق اللى حصل في  
فيلا المهندس ومكتتش اعرف طبعا أنهم اصدقاء ليكي  
ياريت تتقبلي عزائي فيهم .. البقاء لله .. طيب وعملتى ايه  
بعد كده ؟ كلمتى الصياد ؟

قالت فريدة :

- كتبتله على الايميل واستغريت بصراحة أن صياد وعنده  
ايميل .. لكن قولت لنفسى مش حاجة غلط ممكن يكون حد  
عنده ثقافة وأسلوب تعامل مع التطبيقات والأساليب  
الجديدة في المراسلة .. المهم سيبتله رقم تليفوني وطلبت  
منه أنه يتصل بيا .. وبعد كام ساعة كده لقيته بيتصل بيا  
وعرفت أن لسا فاضل عشرة أيام والجزيرة تختفي تحت  
المياة تانى .. طبعا الموضوع بتاع الجزيرة دي كان من



بتاعة لكنه رفض وقالى أنه هيروح بالانش بتاعه وانا اروح  
باليخت بتاعي ورا منه .. طلبت منه حتى خريطة لمكان  
الجزيرة دي قالى ان هو معهوش خريطة ليها هو عارف فين  
مكانها وأنه هيودينى هناك أهم حاجة انى امشي وراه  
وبسرعة قبل ما المغرب ييجي علشان يلحق يروح لمراته  
العجوزة اللى بتعالى من الزهايمر.

هنا دخلت الممرضة وهي تحمل صينية عليها بعض الأدوية  
ووقفت خلف فريدة ثم قالت :

- ميعاد العلاج يا دكتورة فريدة

قالت فريدة بتذمر :

- لازم يعنى ؟

قالت الممرضة وعلى شفتيها ابتسامة ود :

- لازم ..

تناولت فريدة دوائها في سرعة ثم ابتسمت إلى الممرضة في  
سذاجة ، فبادلتها الممرضة ابتسامة لطيفة ثم خرجت فنظرت  
فريدة الى حسام وقالت :

- وصلنا لحد فين ؟

قال حسام :

- لحد ما قابلتي الصياد العجوز وطلب منك انك تروحوا  
الجزيرة بسرعة قبل المغرب علشان يلحق يرجع لمراته العيانة  
الى عندها زهايمر .

قالت فريدة :

- أيوة .. أيوة مضبوط .. المهم فضلنا ماشيين في عرض  
البحر

قاطعها حسام متسائلا :

- ثانية واحدة بس يا دكتورة علشان عندي سؤال .. حضرتك  
بتعرفي تسوقي يخت ؟  
ضحكت فريدة وقالت :

- أيوة بعرف .. دي حاجة اتعلمتها من طليقي

قال حسام :

- وبعدين ايه اللي حصل ؟

قالت فريدة :

- وصلنا الجزيرة بعد حوالي 20 دقيقة وعند اقرب نقطة  
للشاطئ وقفت اليخت بتاعي علشان ميغرمش في رمال

شاطئ الجزيرة أما الصياد فوقف قريب من اليخت وطلب  
مني اني اركب معاه علشان يوصلنى لحد البر فناولته  
صناديق الاكل والشرب وحاجتى وروحنا لحد هناك .. وقبل  
ما يمشي سألنى هترجعي بعد كام يوم ، قولاته هرجع بعد 3  
ليالي ، فقالى انه هيجي علشان ياخذنى ويرجعني تانى  
للمدينة .

قال حسام :

- ليه يا دكتورة فريدة ماخدتيش حد معاكى ؟ صديق أو  
صديقة ؟ حد مثلا يخدم عليكى هناك ؟ حد ياخد باله منك ؟  
قالت فريدة :

- انا طلعت سفاري كتير قبل كده يا امताز حسام .. وكثير  
كنت لوحدي وقابلت دبابه وتعالب وتعالين وعقارب وعارفة  
ازاى اتعامل معاهم .. بابا الله يرحمه علمنى حاجات كتير وده  
اللى خلانى اعرف اتعامل في اى موقف .. وعلى جزيرة زي  
دي ايه اللى هيحصل يعنى ؟ آخرها هيكون عليها تعالين أو  
عقارب ودي سهل اتعامل معاها مع شوية فخاخ وسرعة انتباه  
ده غير أن كان معايا كلبتي ( لومى )

ثم أكملت حديثها وقد تبدلت ملامحها إلى الحزن وقالت :

- وعاززة اقولك أنها كانت كلبة حراسة شاطرة جدا

قال حسام :

- كانت ؟ .. قصدك ايه ؟

قالت فريدة :

- أصلها اتقتلت على الجزيرة ؟

قال حسام :

- اتقتلت ؟ .. ازاي ؟

قالت فريدة بغموض وهي تنظر في عيون حسام بقوة :

- ما هو ده سبب وجودك هنا علشان تسمع كل اللي حصل في

الجزيرة

\*\*\*\*\*

(2)

## الجزيرة

سحب حسام نفسا من سيجارته وهو ينظر إلى فريدة في تفكير عميق ثم بعد لحظات قال :

- طيب خيلنا منسبش الأحداث يا دكتورة فريدة واحكي لي عملتي ايه بمجرد ما بقيتي على الجزيرة

نظرت فريدة الى اللوح الزجاجي الفاصل بينها وبين حسام وهي تسترجع ذكرياتها على تلك الجزيرة الغريبة وقالت :

- كان وقت المغرب بدأ والشمس كانت بتغرب في اتجاه البحر وكأنها هتنزل تعوم جواه وبدأت انا ارتب الحاجة حوالين مني فبدأت انصب خيمة من النوع البلاستيك القوي بس مش من نوع الخيام الصغيرة بتاعتي كانت أكبر شوية تستحمل أن احط فيها كل حاجة وخصوصا لو الدنيا مطرت متنساش أن احنا في فصل الشتاء فكان لازم اخذ كل احتياطي لكن الغريب اني لاقيت أن الجو لطيف جدا ميقولش خالص أن احنا في فصل الشتاء بالعكس دي كانت بتيجي نسمات هوا منعشة نسمات من اللي بنحس بيها في أواخر شهر يوليو اللي هو عز الصيف .



قال حسام :

- وده مخلكيش تحسي بحاجة غريبة ؟

ضحكت فريدة بصوت عال ثم قالت :

- جرا ايه يا استاذ حسام ؟ ما هو انا أماسا على جزيرة غريبة

فبالتالي هتلاقي كل حاجة غريبة

قال حسام موضحا :

- انا اقصد محستيش بخوف

قالت فريدة :

- الخوف ده شئ طبيعي جوانا وخصوصا لو كنت بتعمل

حاجة أول مرة تعملها .. يعنى مثلا حضرتك لما جيت تقدم

اول رواية ليك اكيد كان عندك خوف رهيب أن الرواية تفشل

ومتعجبش حد لكن لما نجحت راح الخوف ده

قال حسام :

- ده صحيح

قالت غادة :

- لكن اكيد لما جيت تعمل رواياتك الثانية مكنش عندك

الخوف بتاع الرواية الأولى نقدر نقول إن الخوف كان أقل

لأن حتى لو روايتك التانيه منجحتش هتكون روايتك الاولى  
شفيع ليك قودام الناس اللى بتحب تقرا رواياتك

قال حسام :

- مضبوط

قالت غادة :

- انا كانت الحكاية كده بالنسبالي دي مش اول مرة اكون في  
رحلة تخيم او سفاري ومتعودة على المخاطر اللى ممكن  
اواجهها لكن الخوف المرة دي كان زايد شوية لان انا كنت في  
بيئة غريبة وجديدة بالنسبالي بالرغم أن لحد اللحظة اللى  
نصبت فيها خيمتي مكنش عندى دليل واحد على صدق  
الراجل بس انت اكيد عارف المثل اللى بيقول (الزن على  
الودان) بس انا برضه مكنتش مقتنعه بكلام الراجل وكلامه  
عن الجزيرة

قال حسام :

- امال ليه رحتى من اسامه ؟

قالت فريدة :

- زي ما قولتك حاجة جديدة بالنسبالي وكانت عبارة عن

تغيير جو بس برضه قولت اعمل دراسة ليها يمكن يكون  
الراجل صادق واكون طلعت باكتشاف مذهل ويمكن يكون  
الراجل كذاب واكون بالتالي مخسرتش حاجة وطلعت رحلة  
غيرت فيها جو

قال حسام :

- بس اعتقد أن الراجل كان صادق

ابتسمت فريدة ثم قالت بتساؤل :

- وعرفت ازاي مع اني لسا محكتش حاجة ؟

- لأن قصتك بدايتها كانت واضحة .. كلبتك ماتت والجو

الغريب بتاع الجزيرة

ابتسمت فريدة ثم قالت :

- بس انا مقولتكش كلبتي ماتت ازاي .. مش يمكن يكون

تعبان أو عقرب لدغها فماتت ؟ .. واما بالنسبة للجو العام بتاع

الجزيرة فمتنساش أن البحر الاحمر الجو معتدل فيه طول

السنة .

قال حسام بشئ من الضيق وهو يدهس سيجارته في ممحاه

السجائر :

- دكتورة فريدة .. انا حاسس ان حضرتك بضيعي وقتي على  
الفاضي ... حضرتك بتقولي حكايات وبعدين ترجعي تنتقديها  
في مواضع تانيه ولحد دلوقتي انا معرفش ايه قصة الجزيرة  
دي

قالت فريدة :

- بالعكس انا بعمل معاك حالة تشويق كبيرة للقصة وبحاول  
اضيف لمساتي للقصة اللى انت هتكتبها وبساعدك كمان في  
الحوار والطريقة والأسلوب .. انا عارفة اسلوب كتابتك وحباه  
جدا علشان كده بتعامل بنفس الطريقة اللى بتجذب بيها  
القارئ لروايلتك .

نظر لها حسام للحظات وهو واضح يديه أسفل ذقنه فقالت له  
فريدة بعد لحظات :

- هتفضل ساكت كده كثير ؟

قال حسام بشئ من التوتر :

- المفروض اني انا اللى اسمع و حضرتك اللى تتكلمي

ابتسمت فريدة ثم قالت :

- عندك حق خيليني اكمل باقي القصة .. كان الليل جه علينا

وانا كنت رتبت كل حاجة وولعت نار حوالين مكان التخييم  
بتاعى وكان ورانا هضبة صخرية ارتفاعها حوالى عشرة متر  
ممتدة على طول الشط بتاع الجزيرة فضريت فى الأرض  
أوتاد من الشط لحد الهضبة دي بمسافات متساوية علشان  
اعرف حالة المد والجزر على الجزيرة دي فلو لاحظت أن المد  
بيزيد يبقى معنى كده أن الجزيرة خلاص هتنزل تانى تحت  
البحر وده نوع بدائي شوية بس كان كويس علشان يخليني  
التفت له وقت ما اكون منشغله بحاجة تانية وبعد ما خلصت  
ده كله قعدت على الشط وجت كلبتى قعدت جمبى بعد ما  
حطتها أكلها فى الطبق وانا اكلت سندوتش وكان معايا جهاز  
بيتصل بالقمر الصناعى فحببت اعرف مكان الجزيرة وكمان  
اعرف مساحتها لكن كان فى تشويش جامد على الجهاز  
مخلنيش اعرف اقرأ مساحات الجزيرة كويس فقررت اخلى  
كل حاجة لتانى يوم ودخلت الخيمة واخذت كلبتى علشان  
ننام .

كان حسام ينظر لها فى تركيز مستمعاً لكل حرفاً تقوله فريدة  
فأخرج سيجارة واشعلها ثم قال :

- وبعدين ؟

قالت فريدة وهي تسترجع بذاكرتها:



- بالليل وأنا نائمة وملبىن النوم واليقظة لمحت حد قاعد على الأرض جمب مني ومجرد ما صحيت وبصيت بتركيز كان اختفى وكان اللى شوفته ده حلم

ثم نظرت الى حسام وقالت :

- في اللحظة دي مكنتش عارفة اللى أنا شوفته ده كان حقيقي ولا كان حلم بس انا فاكرة تفاصيل اللى كان قاعد جمبي ده كويس جدا .. هو كان راجل ودقنه طويلة لونها اسود وفيها كام شعره بيضا وكان لابس عبايه سودا بس تفاصيل وشه مكنتش قادرة احدها ..

قال حسام :

- كنتى قافلة الخيمة على نفسك كويس ؟

قالت فريدة :

- طبعا والتأكدت من كده اول ما صحيت مفزوعة وكانت كل حاجة تمام مفيش حد دخل عليا الخيمة

قال حسام :

- يمكن كان حلم أو كابوس

قالت فريدة :

- أنا قولت زيك كده في الاول .. وبعدين نمت والصبح  
صحيت وكان الوضع كله عادي مفيش اي حاجة مريبة حتى  
لما خرجت من الخيمة كانت كل حاجة موجودة في مكانها  
زي ما كنت حطاها وبعد ما فطرت بدأت افحص الجزيرة  
كويس واول حاجة بدأت بيها كانت الهضبة اللي موجودة  
على طول الشاطئ بتاع الجزيرة  
قال حسام :

- واشمعى الهضبة دي بالذات ؟

قالت فريدة:

- لأن الهضبة دي كانت مليانة نتوءات وتجاويف ولو الجزيرة  
دي بتنزل تحت مياة البحر وبتطلع تانى على السطح كل فترة  
فأكيد هتلاقى ترمبات املاح فيها نتيجة عن المياة المالحة  
بتاعت البحر أو حتى الاقي اثر لطحالب لكن مكنش في اي  
حاجة خالص

قال حسام :

- معنى كده أن الجزيرة دي مبتغرقش تحت البحر

قالت فريدة :

- مضبوط لأن مفيش اي ترسبات بتدل على كده وقولت أن  
الراجل العجوز كان بيكذب عليا أو أن القصة كلها مجرد  
أسطورة الصيادين بيقولها ما بينهم وما بين بعض والراجل  
يكون قالي على الجزيرة دي علشان أثبت صحة الأسطورة أو  
لا .

قال حسام :

- وبعدين ايه اللى حصل ؟

قالت فريدة :

- اخدت كلبتي معايا وقررت أن اتمشى على شط الجزيرة  
وأشوف يمكن الاقي اي دليل تلى .. وأنا بتمشى على طول  
شط الجزيرة لاحظت أن الجزيرة واخدة شكل بيضاوي  
وكانت الهضبة العالية موجودة على طول الشط كأنها سور  
بيحمي حاجه جواها وبعدين فجأة بدأت لومي تجري وتلعب  
وكانها كانت بتشجنى اني لعب معاها وفعلا بدأت أنا تجري  
وارشها بمياة البحر ونزلنا استحمينا شوية لحد ما فجأة  
لمحت أن في فاصل في الهضبة .. فاصل عرضه حوالي  
أربعين سنتيمتر وارتفاعه حوالي اثنين متر وكانها بوابة  
للدخول لقلب الجزيرة من جوا .

هنا بدأ حسام ينتبه للقصة أكثر وبدأت كل حواسه في التركيز  
ثم أخرج من جيبه علبة السجائر فاشعل سيجارة لفريدة ثم  
أعطائها لها من خلال الفتحة الصغيرة ثم أشعل لنفسه  
سيجارة وقال :

- وطبعاً دخلت من البوابة دي ؟

قالت فريدة بسخرية :

- طبعاً

قال حسام :

- هل البوابة دي كان عليها نقوش أو كتابات أو أي حاجة ؟

قالت فريدة وهي تبتسم نافية :

- لا لا لا .. دي كانت فتحة صخرية عادية وكان الطبيعة هي

اللى صممتها كده ومكنش عليها أي حاجة

قال حسام بتركيز :

- وبعدين ايه اللي حصل ؟

قالت فريدة بعد أن مسحبت نفسها من سيجارتها :

- اخدت كلتي وعدينا من الفتحة دي اللي مشينا فيها حوالي

ثلاثة متر وكانت ضيقة ومجرد ما بقينا جوا قلب الجزيرة

اكتشفت أن دي الجنة

قال حسام بتساؤل :

- جنة ؟

قالت فريدة بلانهار :

- كانت جنة حرفيا موجودة ورا الهضبة دي وكأنها بتحميها  
من الناس ومخربين الطبيعة .. مجرد ما دخلت لاقيت في  
وشي شلال مياة عذبة على ارتفاع أربعة متر والمياة بتاعته  
بتصب في بحيرة صافيه تماما قطرها حوالي ستة متر وعلى  
يمين البحيرة كان فيه شجرة تين بفروعها الجميلة وورقها  
الاخضر

قال حسام بلاندهاش :

- تين .. فاكهة التين ؟ بس دي فاكهة صيف واحنا في الشتا

قالت فريدة :

- متستغريش .. لاني لاقيت شجر برتقال وجوافة وموز  
ويوسفي ومشمش ده غير أن كان في نخلتين وطارحين بلح  
أحمر وأصفر كمان

قال حسام :



- معنى كده أن الجزيرة دي مش بتغرق تحت البحر والحدوته  
كلها عبارة عن كذبة أو أسطورة لأنها لو بتغرق مكنتش  
هتلاقي كل أنواع الفاكهة دي

قالت فريدة وهي تدمس سيجارته في ممحاة السجائر:

- طبعا .. يكفي وجود شلال المياه لأن المياه بتاعته طالعة  
من باطن الأرض وبتصب في البحيرة اللي أكيد ليها عروق  
ومجاري في عمق البحيرة واللى بتجري فيها المياه دي تلى  
في باطن الأرض وكأنها نافورة لأن مياه البحيرة مكنتش  
بتصب في البحر

قال حسام :

- يعنى بالعامية كده الجزيرة دي واقفة على أرض صلبة مش  
بتعوم علشان تغرق وتطلع كل شوية

قالت فريدة :

- بالضبط كده .. واول حاجة عملتها انى نزلت في البحيرة دي  
انا ولوسي نعوم وكنا مبسوطين جدا وجريت على الشط  
جيبحت حاجتى وقررت انى هقعد الليلتين دول في قلب  
الجزيرة في الجنة اللي لسا مفيش بشر لمسها .. وبقيت أصور  
الجزيرة واخد سيلفي ليا انا ولوسي وقضينا وقت ممتع

قال حسام :

-الحكاية كده وضحت يا دكتورة فريدة ممكن تكون قصة الجزيرة مجرد أسطورة حد قالها بعد ما اكتشف جمال الجزيرة وقرر ان محدث يعرف سرها ويحتفظ بالسرد له لنفسه علشان يتمتع بيها وبجمالها ..

قالت فريدة وهي تبسم ابتسامة غامضة :

- هتفضل متسرع على طول كده يا امتاذ حسام ؟

قال حسام بتساؤل :

- قصدك ايه ؟

قالت فريدة :

- قصدي ان انا اللي عشت القصة وعارفة أحداثها واحب اقولك أن كل اللي انت قولته ده غير صحيح لأن اللي كان على الجزيرة من فوق شئ واللى تحت الجزيرة شئ تلى خالص

قال حسام :

- يعنى ايه ؟

قالت فريدة وهي تنظر في عيون حسام :

- يعنى الرعب كله جه وقت ما اكتشفت وجود كهف على  
شمال الشلال .. كهف بيوديك لباطن الأرض .. باطن الأرض  
اللى لو دخلته استحاله تطلع منه تانى

قال حسام :

- كهف ؟

قالت فريدة :

- أيوة .. كنت خلصت نصب خيمتى على شمال البحيرة  
وكانت أرض عشبيه ناعمة وواسعة وقررت أن انصب خيمتى  
فيها وكنت مبسوطة جدا لى هنام واصحى على الجنة  
الجميلة دي .. لحد ما ظهر تانى

قال حسام بتساؤل:

- مين اللى ظهر ؟

قالت فريدة :

- الراجل اللى دخل عليا خيمتى وأنا نائمة واختفى مجرد ما  
صحيت وفتحت عيني

قال حسام باستغراب :

- يعنى مكنش حلم ؟

قالت فريدة :

- لا كان حقيقة .. وكان واقف ثبت على شمال الشلال  
بيبوصلي من غير ما ينطق ولا كلمة .. طبعاً أن خوفت وبدأت  
لومي تشم ريحة خوفي منه وبدأت تنبح نحيته في شراسة  
كانها بدافع عني لكن الراجل كل اللي عمله أنه دخل كهف  
صغير كان جنبه ومجرد ما دخله لومي طلعت تجري وراه  
حاولت امنعها لكنى ملحقتهاش لحد ما دخلت الكهف ورا  
الراجل

بدأت عيون فريدة تدمع في حزن وهي تقول :

- وبعدها سمعت صوت مرعب .. صوت زئير لوحش موجود  
في الكهف ده واتخضيت انا من الخوف ووقعت على الأرض  
مجرد ما سمعته .. وسمعت صوت لومي وهي بتعوي بألم  
وصوت الوحش بيهز المكان لحد ما اختفت الاصوات نهائياً  
ثم نظرت فريدة الى حسام وهي تبكي وقالت :

- وبعدين لاقيت جثة لومي بتتحدف بره الكهف .. جثة  
لومي كلبتي لكن من غير راسها

\*\*\*\*\*

## حارس الجزيرة

كان حسام جالسا يستمع إلى كل كلمة بتركيز شديد كمن يصنع في خياله عالم خاص تدور بها الأحداث التي تقصها عليه فريدة وبالرغم أن الأحداث غير منطقية وتنقصها بعض الثغرات الروائية والكثير من التفاصيل إلا أنه كان يدرك أن فريدة تحاول أن تختصر له أحداث القصة نظرا لضيق الوقت وموعد الزيارة وكان داخله إيمان شديد بأن وراء أي قصة تحمل طابع الميتافيزيقا والفانتازيا جزء صغير من حقيقة ما ولكنه لا يستطيع أن يعترف بأن قصة فريدة بالرغم من أنها مثيرة إلا أنه لا يصدقها تماما وعندما كان ينظر في عيون فريدة وهي تقص له حكايتها كان يشعر بأنها تخبره بالحقيقة وكانت عيونها تخبره بسخرية حادة (صدق أو لا تصدق هذا شأنك وحدك) ، لذا لم يكن أمامه سوى أن يستمع إلى قصتها كما طلبت هي وكما استدعته إدارة المستشفى أيضا وان يكف عن تشتيت عقله بين تصديق القصة وتكذيبها وبعد قليل نظر في ساعته ثم أشعل سيجارة وانتظر إلى أن هدأت فريدة وبدأت في تجفيف دموعها ثم قال :

- أنا اسف على اللى حصل لكبتك بس ياريت حضرتك

تقوليلي ايه اللى حصل بعد كده .. احنا قاعدين مع بعض  
بقالنا 3 ساعات وأعتقد أن كده كثير وانتي أكيد محتاجة  
ترتاحي يا دكتورة

ابتسمت فريدة في ود وقالت :

- خلاص يا استاذ حسام قصتي تعتبر في نهايتها

ثم صمتت فريدة قليلا وهى تسترجع ذكرياتها وقالت :

- بالرغم اني اول ما شفت جثة كلبتي اتملكنى الرعب والفرع  
وطلعت اجري بسرعة على الشط .. كنت عايزة أهرب لكن  
ادواتي وحاجتي اللى كانت جوا الجزيرة وكمان جثة لوسي  
هم اللى منعوني فقررت لما الدنيا تبقى ليل أرجع تانى وادخل  
واخد ادواتي بهدوء وادفن جثة لوسي واقعد على الشط  
وامتنى الصياد يبجي ياخذنى هو كان فاضل ليله واحدة  
ويبجي

قال حسام باستغراب:

- طيب ليه مهريتيش ومبتي ده كله ايه اللى خلاكي تقعدى  
وبعدى انتي مكنتيش خايفة احسن يحصلك حاجة أو تتقتلى  
انتى كمان؟



قالت فريدة :

- أنا كان معايا مسدس غير أن دايمًا ببقى شايله خنجر في جيبى احتياطي بس كان المسدس في الخيمة وكمان الادوات بتاعتي تساوي ملايين ومكنتش حابة اخسر كل حاجة فجأة كفاية خسارتي في لومى .

قال حسام :

- وعملتى ايه ؟

قالت فريدة :

- استنيت على الشط لحد ما الليل جه ورحت داخله قلب الجزيرة من جوه وأنا ماسكة الخنجر بتاعى ولما وصلت الخيمة طلعت المسدس اول حاجة وشيلته في جيبى بعد ما اتأكد أنه محشى بطلقات الرصاص وبعدها بدأت اخذ ادواتى واول ما خرجت من الخيمة عينيا جت في جثة كلبتي وصعبت عليا انى امسب جثتها كده فقررت انى ادفنها فقربت منها وأنا ماشية بهدوء وخايفة ليظهر الراحل ده تانى من الكهف فبقيت بحاول مصدرش اى صوت ومجرد ما شلت الجثة على أيدي لقيته في وشى .. كان واقف بثبات زي كل مرة وببيصلي بهدوء فاخذت جثة لومى وبدأت ارجع بضهرى

في هدوء علشان أخرج الشط والغريبة أنه محاولش  
يتعرضلي أو يهجم عليا وكان عنده فرصة لكده لكن معملش  
ده وفضل واقف مكانه ومجرد ما وصلت للشط حطيت جثة  
لوسي وبدأت احفر لها حفرة علشان ادفنها فيها ومجرد ما  
خلصت وقعدت على ركبتني علشان اخذ نفسي من المجهود  
الى عملته لاقيته قاعد جمبي في هدوء بيبيص للبحر .

قال حسام في لهفة :

- الراجل الغريب .. صح ؟

هزت راسها وهي تقول :

- أيوة مفيش غيره .. واول ما لاقيته قاعد جمبي اتفرعت  
ونطيت من مكاني ابعد عنه والغريبة أنه فضل مكانه ثابت  
مفيش اي رد فعل منه وهنا حسيت بنار جوايا وغصب  
وقررت اني اضربه واكتفه واعرف وافهم منه ايه القصة  
فجريت على جزع خشبه لاقيته قريب مني ومسكته ورحت  
على الراجل وبكل قوتي نزلت بالخشبه على دماغه لكن بكل  
سرعة وليونه لاقيته مسك الخشبه قبل ما توصل لراسه  
ومسحب مني الخشبه بقوه ورمaha بعيد وكل ده وهو قاعد  
ثابت فطلعت مسدسي وقولته وانا حاطه المسدس على  
دماغه (انت عاوز مني ايه؟ وايه اللي قتل كلبتي؟ وايه

حكاية الجزيرة دي ) لكن برضه منطقتش لكن شاوري اني  
اقعد جنبه فقعدت على مسافة بعيدة منه شويه وانا موجهة  
المسدس نحيتة وبعد كده عرفت منه سر الجزيرة دي .

قال حسام :

- يعنى الجزيرة دي ليها سر ؟

قالت فريدة :

- هو الحقيقة الراجل منطقتش نص كلمه لكن قالي القصة  
بطريقة التخاطر .. تعرف طريقة التخاطر ؟

هز حسام رأسه في فهم فقالت فريدة :

- قصة الجزيرة دي بترجع لزمان قديم اوي زمن كان في قرية  
صغيرة عايشة قريب من البحر في الوقت اللي كان لسا فيه  
البشر بيكتشفوا عالم البحر لأول مرة وكانت مراكبهم عبارة  
عن مراكب ضعيفة وبسيطة وبيستخدموها للصيد وكان في  
وحش عايش في أعماق البحر ومكتش بيهجم على المراكب  
والبشر كلوا عرفينه وبيشوفوه من وقت للتاني وكلوا  
بيرموله سمك كقران علشان يتقوا شره وميهجمش عليهم  
لحد ما الخطيئة الاولى بدأت تنتشر .. خطيئة القتل .. سفك  
الدم .. وفي يوم على مركب صيد صغير قتل اخ اخوه بسبب

الطمع في المركب وفي الصيد وفي الزوجة الشابة الجميلة  
ورماه في البحر ورجع قال لشعبه أن وحش البحر هجم  
عليهم وقتل اخوه بالرغم أنهم قدموله القربان طبعاً اهل  
القريه في منهم اللى صدقه وفي منهم اللى مصدقوهش لكن  
الحكاية مرت عليهم مرور الكرام ومحدثش مال في التفاصيل  
أما تحت البحر كانت جنة الاخ القليل راقدة في القاع ودمه  
بيمتزج مع ذرات المياه لحد ما وصلت ريحته لمكان الوحش  
ده اللى كان اول مرة يشم ريحة دم البشر فراح ملتهم جثته  
ومن ساعتها وهو بدأ يحب دم البشر وكان روح الاخ اللى اكله  
الوحش اندمجت مع روح الوحش واصبحوا روح واحدة  
وقدر أنه ينتقم من كل البشر وبدأ يهجم على المراكب ويقتل  
في الصيادين لحد ما في يوم لجأوا الناس لساحرة عظيمة  
ليها في علوم السحر مجال كبير وقالتهم أن الوحش ده هايج  
لأن في اخ قتل اخوه واتهم الوحش ظلم وعلشان نقدر  
نسيطر على الوحش ده لازم الاخ يعترف بالحقيقة .. وطبعاً  
الناس كلها عرفت مين اللى قتل اخوه وهاجموه وضربوه لحد  
ما اعترف بالحقيقة ورجعوا للساحرة اللى قالت لهم أنها تقدر  
تحبس الوحش ده في كهف عميق جداً في جزيرة والحارس  
بتاع الجزيرة هيكون الاخ القاتل .. اللى كان السبب في كل ده

قال حسام :

- قصة غريبة جدا .. بس ازاي الراجل ده او اللى عرفنا أنه  
بقى الحارس عايش الزمن ده كله ؟

قالت فريدة :

- اللى عرفته وفهمته منه أن الجزيرة دي فعلا بتختفي لكن  
مش بتغرق تحت البحر إنما بتظهر في أماكن تانية وأزمان  
تانية واكوان تانية موازية لما بين القديم والحاضر والمستقبل  
وبكده هو أصبح خارج عامل الزمن المعروف والانتقالات دي  
خلت عمره في وضع مختلف كمان هو اتنقل في اكوان  
موازية تانية وفي أوقات تانية بآلاف السنوات بالرغم أنه  
حارس على الجزيرة دي بقاله عشر سنين بس

قال حسام :

- انتى قصدك أن عامل الزمن اللى هو عاشه على الجزيرة  
مختلف عن عامل الزمن اللى احنا عايشينه دلوقتى لان احنا  
على أرض ثابتة عارفين عمرها لكن هو مش على أرض ثابتة

قالت فريدة :

- بالظبط كده .. وعرفت كمان أنه بموت الحارس يموت  
الوحش .. طبعا لما عرفت الحكاية دي كنت مصدومه لكن



كنت حابة اعرف تفاصيل اكثر وعرفت منه أن الجزيرة دي  
جه عليها ناس كثير من ازمان مختلفة وثقافات مختلفة وكان  
بيقتلهم ويرميهم الوحش .. طبعاً أنا خوفت ورفعت مسدسي  
في وشه أكثر وحذرتة لكنه عرفني أنه من ساعة ما شافني  
اول مرة في الخيمة مرضاها يقتلنى ويرمينى للوحش ولما  
سألتة ايه السبب قالى أن تأيب الضمير بقى يقتله حرفياً هو  
قتل اخوه علشان الطمع وكان عقابه شديد ان حياته تتريط  
بحياة وحش ومطلوب منه أنه يأكله بشر يعنى مش كفاية  
قتله لآخوه وبس

قال حسام :

- عقاب قاسى جدا

قالت فريدة :

- فعلاً وهو قرر أنه مش هيقتل بشر تانى ويرميهم للوحش  
وأنه هيكتفى باي حاجة تاليه حيوانات أو طيور أو أسماك  
وبعدها طلبت منه أنه ينقل معايا حاجتي للشط ووافق فعلاً  
وهناك عند الخيمة بتاعتى لما بدأت شمس النهار تطلع بدأنا  
ننقل الحاجة لكن وأنا بشيل صندوق ثقيل دراعى اتجرح من  
الخنجر اللى كان فى جنبى وبدأ دراعى ينزل دم ومجرد ما  
شاف الحارس ده اخذنى من ايدي وطلعنا نجري وفجأة بدأت



الأرض تنهز تحت رجلينا ووقعنا أحنا الاثنين لكن لاقيته  
بيطلب مني أن أقوم وأجري أروح الشط بسرعة واغسل أيدي  
علشان ريحة الدم تروح وقبل ما أقوم لاقيت ذراع طويلة  
كلها مجسات ذي ذراع الاخطبوط طالع من الكهف وجاية  
تحييني لكن الحارس سحبني بسرعة من الأرض قبل ما ذراع  
الاخطبوط الكبير تقرب مني وقومنا نجري ناحية الشط لكن  
فجأة لاقيت ذراع الاخطبوط مسكنني من رجلي ومسحبتني  
ناحية الكهف أما الحارس فمسك أيدي وبقي يحاول يشدني  
لكن ذراع الاخطبوط كانت اقوى منا وهنا الحارس قرر أنه  
ينهي الموضوع ده راح صاحب خنجري من جمبي وراح عامل  
جرح كبير في ذراعه وبدأ ينزل نقط الدم بتاعه على مجسات  
الاخطبوط وهنا سابت ذراع الاخطبوط رجلي ومسكت في  
رقبة الحارس اللى كان مستسلم لها تماما لحد ما سحبته جوا  
الكهف وبعد كده سمعت صوت الزئير العالي اللى سمعته قبل  
كده وبعد ثواني رجع الهدوء تانى ووقفت على رجلي وأنا  
بحاول اكون هادية وبسال نفسي ياترى الموضوع كده خلص  
ولا لسا في سر تانى أنا معرفهوش ؟ فققرت انى أروح الشط  
واغسل أيدي بعد ما خدت مطهر وشاش احطهم على الجرح  
إلى كان لسا بينزف لكن فجأة لاقيت الأرض بتنهز تحت منى  
وكانه زلزال قوي وبدأت الأشجار تقع والهضبة تقع منها

صخور كبيرة فطلعت اجري على الشط وهناك بصيت على  
الى بيحصل في الجزيرة من جوا .. الوحش كان لسا حي  
قال حسام باستغراب :

- مش المفروض أن حياة الوحش مربوطة بحياة الحارس؟  
قالت فريدة :

- ده المفروض لكن في الحقيقة أن مكتش حياته مربوطة  
بحياة الحارس زي ما كانت الساحرة قايلاله .. الظاهر انها  
كدبت عليه وخليته يعيش في عذاب وتأنيب ضمير مع كل  
واحد بيقترله علشان الوحش ياكل .. دايرة موت وتعذيب  
نفسى رهيبه كان سببها الطمع لكن الحارس برضه كان لسه  
فيه طابع الطمع لانه كان ممكن يقتل نفسه أو يرمي نفسه  
للوحش ده وينتهى من عذابه لكن مقدرش يعمل كده غير بعد  
حالات قتل كثيرة تانيه عملها ومقررش يعمل كده غير بعد  
فوات الاوان وبدل ما كان في رقبتة دم اخوه بس بقى في  
رقبتة دم ناس تانيه

قال حسام :

- وبعدين يا دكتورة ايه اللي حصل ؟

قالت فريدة :

- بدأت الجزيرة تنهار ويحصل فيها تشققات وكانت دراعات الوحش طالعه فوق للسما كأنها عاوزه تمسك السحب وهنا عرفت أن خلاص مينفعش افضل مكاني وقررت انى انزل اعوم بسرعة واروح لليخت بتاعي واهرب من المكان الملعون ده ومجرد ما طلعت اليخت بتاعي وشغلته لاقيت دراعات الوحش ماسكة في اليخت وبترج فيه بتحاول تفرقه وانا وقعت على دماغي وفقدت الوعي ومحسستش بنفسى الا لما فقت ولاقيت نفسى هنا .. وبكده انتهت القصة يا استاذ حسام.

انتهت فريدة من قص روايتها لحسام الذي وعدها بأن يقوم بكتابة قصتها في رواية بعد أن يضيف إليها بعض الأحداث والمواقف الأخرى ثم تمنى لها الشفاء وخرج من الغرفة لتأتى ممرضه بعد قليل وتأخذ فريدة الى غرفتها.

\*\*\*

داخل مكتب مدير المستشفى كان جالس الدكتور عوني الديب مدير المستشفى ومعه المقدم عماد الشوباشي ضابط المباحث يتحدثان في أمور شتى إلى أن طرق الباب ودخل حسام في ادب فرحب به مدير المستشفى ودعاه للجلوس ثم

قال :

- تعبك معنا يا استاذ حسام

قال حسام :

- مفيش تعب ولا حاجة يا فندم .. بس انا كان عندي سؤال

قال الدكتور عوني :

- طبعا اتفضل

قال حسام :

- هي فعلا الدكتورة فريدة مجنونة ؟

ضحك الدكتور عوني ثم قال :

- يا استاذ حسام مش معنى ان تجيلك صدمة عصبية او حالة انهيار عصبي يبقى خلاص انت مجنون الدكتورة فريدة عاقله وعقلها يوزن بلد .. لكن اسمحلي اقولك ان ساعات الضلالات والتهیؤات بتخلق جوا الواحد عالم تانى ولو الشخص ده سلم نفسه للضلالات دي هيتوه ما بين عالم الحقيقة وعالم الخيال واحنا دورنا ان احنا نخلى العقل دايمًا يكون في عالم الحقيقة وده الى حصل فعلا مع الدكتورة فريدة أنها عاشت في عالم تانى تحت تأثير خيالات لسا احنا مش عارفين ايه مصدرها

قال حسام بتساؤل:

- يعنى ايه ؟ قصدك أن قصة الدكتور فريدة دي مش حقيقية ؟

قال الدكتور عوني :

- اكيد طبعا .. بص احنا كنا بنسمع ونشوف من كاميرا المراقبه وانت مع الدكتور فريدة بتحكيك القصة العجيبة دي بس انا عاوز اقولك أن احنا دورنا قبل كده في اللابتوب بتاعها ومفيش عليه أي رسائل من صيادين

قال حسام :

- يمكن مسحتها

قال الدكتور عوني متفهما :

- ماشي لنفترض ده .. الدكتور فريدة متملكش يخت

قال حسام بتساؤل :

- ازاي دي قايلالي أنها عندها يخت .. بس ممكن تكون أجرته متنساش أنها كانت بتختصر القصة أو كانت مش عايزة تقول أنها واخدة اليخت تأجير

ابتسم الدكتور عوني :



- أنا شايفك بتبرر الحكاية يا استاذ حسام بس ماشي حرك  
العاطفي عايز يصدق الدكتور وده حقك بس ايه رايك بقى  
أن الدكتور فريدة معندهاش كلبة اساسا والدكتور فريدة  
منزلتش اساسا من غرفتها الى في الفندق

قال حسام :

- ازاي ؟ .. انا مش فاهم حاجه

هنا تدخل المقدم عماد وقال بطريقة نظامية كعادة رجال  
الشرطة :

- من حوالى اسبوع وصلت الدكتور فريدة للفرقة وحجزت  
غرفة في فندق وبعدها طلبت وجبة الغداء ولما طلعلوها الغدا  
طلبت أن محدش يخط عليها وأنهم يصحوها على الساعة  
عشرة لأنها تعبانة من السفر ومحتاجة تنام .. ولما جت  
الساعة عشرة اتصلوا بيها علشان تصحى محدش رد عليهم  
فاعتقدوا ان الدكتور نزلت وراحت قعدت في الكافيتريا أو  
المطعم أو أنها بتتمشى على البحر زي ما اي نزيل بيعمل كده  
في أي فندق ولما طلعت الهاوس كبير علشان تنصف الاوضة  
اتفاجات أن الدكتور فريدة واقعة على الأرض ولما جت  
الإدارة اتصلوا بالاسعاف الى بدورها ودوها المستشفى ولما



فاقت كانت في حالة عصبية شديدة جدا .

قال حسام :

- يعنى كل الى قالته دي اوهام

هنا تحدث المقدم عماد مرة أخرى وقال :

- لو انت تفتكر يا استاذ حسام لما الدكتور فريدة قالتك أن  
في اثنين من اصدقائها أو من أعضاء شلتها ماتوا

قال حسام :

- أيوة .. اعتقد واحد كان دكتور والثانى كان مهندس انا كنت  
متابع الاخبار إلى اتكلمت عنهم

ابتسم المقدم عماد في ود وقال :

- مضبوط كده .. الدكتور ده له قصة عجيبة حصلت في  
المطار جه وقعد مع مسؤول الأمن هناك وحكاه أن جه قعد  
مع واحد بيدعي أنه شاف حد هيقع الطائرة وكلام غريب  
كده وبعدها بساعتين الدكتور ده انتحر .. ايه السبب محدش  
عارف .. بعدها بكام يوم بيت المهندس ده يولع ومن حسن  
حظنا أن احنا لاقينا جهاز تسجيل صوت تابع لكاميرات  
المراقبة وكان المهندس بيتكلم فيه مع نفسه مفيش حد بيرد

عليه لكن كان في اسم بيتريد كل شويه الاسم ده هو (روز)  
ولما سالنا خطيبته قالت أن في مشروع هيلوجرام متصل  
بذكاء اصطناعي المهندس كان بيصممه لكن مكش انتهى منه  
بسبب إخفاقات ومشاكل كثيرة وكان شغله كله على المشروع  
ده لدرجه ان خطيبته بدأت تغيير من محاولته الكثير  
وتركيزه على مشروع روز واخر مكالمه مابينها ومابين  
خطيبها المهندس تتعارك معاه في التليفون بسبب المشروع  
ده وتقفل السكة في وشه وبعديها بكام ساعة البيت يولع  
ويموت المهندس وبعدها بكام يوم تحصل قصة الدكتور  
فريدة .. الفكرة هنا يا استاذ حسام أن التلاته تربطهم صداقة  
قديمة .. ده غير علاقة الحب اللى كانت مابين الدكتور  
يوسف والدكتورة فريدة .. هنا بقى نوصل لنقطه معينة ايه  
السر اللى وراهم ويخلي كل واحد فيهم تكون دي نهايته  
قال الدكتور عوني :

- يمكن نهاية الدكتورة فريدة أحسنهم حظا

قال حسام للمقدم عماد :

- قصدك أن في شبهة جنائية وان في حد بيقتلهم ؟ قاتل  
متسلسل يعني ؟

قال المقدم عماد :

- لحد دلوقتي مفيش دليل لكن انا كئفت تحرياتي علشان  
اعرف ماضيهم اكنر لكن بصراحة اللغز كبير وكمان محتاج من  
حضرتك أنك تتفضل تساعدنا وتقعّد معاها مرة كمان في  
وقت تلى علشان على الأقل نعرف شلتهم كانت كام واحد  
وهم مين ... استاذ حسام احنا بنتحرك في الضلمة و .....

هنا دخلت الممرضه فجأة وهي تقول في فزع :

- الحق يا دكتور عوني .. فريدة انتحرت .. رمت نفسها من  
شباك اودتها !!

\*\*\*\*\*

تمت